



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 74. Proposita cum Nicolao Harnois conciliato.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI. bus præfati Pontifices societatis novæ
 A.C. 1554. Patres honorabant, *ut tamen prudentius,*
maturius, & exactius examinarentur, & ne
quid in re tam gravi, tantique momenti præ-
cipitanter ageretur, remissi sunt proxima
Congregatione ad determinandum, & inte-
rim moniti sunt omnes & singuli Magistri,
ut rem tantam apud se sedulo meditarentur,
& summo adhibito consilio, & diligentia
tractarent.

§ .LXXIV.

Proposita cum Nicolao Harnois
conciliatio.

Altera causa, circa quam fuit delibe-
 ratum, erat compositio litis inchoa-
 tæ cum Nicolao Harnois, de quo jam
 anno priori mentio fuit facta; hanc er-
 go in rem conclusum, quod præfatus
 Religiosus ad jusjurandum Facultati
 præstandum admittatur, necnon post
 acceptam lauream Doctoris juribus frua-
 tur, ea tamen lege, ut testimonium
 afferat a sex Ordinis sui Viris subscri-
 ptum, vi cujus testatum fiat, quod præ-
 dicasset iis verbis, quibus nuper per di-
 ctæ facultatis sententiam die duodeci-
 ma Octobris Anno millesimo quingen-
 tesimo quinquagesimo tertio pronuntia-
 tam prædicare fuerat jussus, & sub qua
 conditione ad Doctoratum est receptus:
Si vero id non fecerit, aut eum hoc non fe-
cisse

cisse constabit, tunc Orator talem, ac iisdem verbis conceptum, quibus ei per eandem sententiam injungetur, sermonem habebit. Hæc sunt ipsa Facultatis verba in ejus sententia prolata. Insuper ab eo exigebatur, ut sese submitteret Facultati in omnibus, quæ fidem, moresque concernunt: cum autem id præstare renueret, illum nullatenus ad Facultatis consortium esse admittendum decernebatur.

Sæcul. XVI.
A. C. 1554.

Die quinta Octobris Nicolaus de Bris quasdam propositiones impias, & blasphemias circa SS. Eucharistiam, & crucifixi imaginem ad Facultatem deferebat, exque ad tres reductæ erant, atque in illarum prima dicebatur: „Christus Dominus est in cœlo: non autem est in illa re, quæ hostia appellatur, nec unquam erit in mundo, donec venturus est judicare vivos, & mortuos.” Altera ita sonabat: „Si ea, quæ Ecclesia de Altaris Sacramento credidit, vera sint, tunc S. Augustinus omnium hæreticorum maximus est.” Tertia continebat horrendam Blasphemiam contra imaginem Christi crucifixi. Itaque Facultas harum primam tanquam hæreticam, & Sacramentariorum erroribus consonam: alteram autem velut falsam, ac D. Augustino injuriosam damnabat. Tertiam denique dicebat execrandam,

ac

Sæcul. XVI. *ac relatu, & auditu indignam.* Prædica-
A.C.1554. batur hæc propositio Parisiis in templo
 S. Severini Anno Domini millesimo
 quingentesimo quinquagesimo secundo.

Rursus die vigesima septima ejus-
 dem Mensis Octobris Facultati refere-
 batur, quod nonnulli libelli precatorii,
 seu preces horariæ Gallico idiomate ad
 usum Romanum editæ & per Oudinum
 Petit in via S. Jacobi ad insigne liliæ flo-
 ris typis impressæ vulgentur. Hæ pre-
 ces censura notabantur, eoquod *de ser-
 mone latino, inquit Facultas, in gallicum
 non fideliter translatae derogent titulis ho-
 norum, ac dignitati sacratissimæ Virginis
 Maricæ: derogent & illius, & aliorum San-
 ctorum, sanctarumque meritis, prærogativis,
 nec non potestati adjuvandi mortales in ad-
 versitatibus.*

Pariter proscribebantur duo alia o-
 puscula, quorum unum: *Christianorum
 doctrina:* aliud vero: *Præcepta Dei:* in-
 scribebatur, continebantque ambo Lu-
 theri doctrinam, quocirca, *quod tam pre-
 ces horariæ, quam prædicta opuscula pro-
 hiberi, atque omnino suppressi debeant jux-
 ta hanc censuram, auditis omnium Magi-
 strorum suffragiis nihil inter se discrepanti-
 bus, Facultas conclusit.*